

MONTJOVET

Lo Rivioù

Lo matén bén dévàn dzor y a lévâ
é apré na pora boconâ y a tacâ Gouâ,
pasâ Trèisire y a tchapâ lo viòn dé Pialòn é d'Érèn.
Y ire incò net, ma la sapa travayave dza,
dove teppe d'éque,
na péra dé lé,
cahque boyane a topé,
dove piante a copé.
A midzor protso dé la Serva
a l'ombra dé na brénva,
y a ferma-se mindzi in toc dé pan nér é dé fromadzo,
na gotta dé bon vén, é apré na pipada,
to solet , y a tsantâ pé in lon toquet.
Y a tornâ i miquio qué y ire dza net,
do minâ y an galopâ attaqué-se i sén pantalòn in rièn,
aloura lo sen cor y a coménchâ a tsanté, tsanté to contèn.
Ou péyo, asètâ dévàn in piaté dé mééhtra tsada
y at ahcoutâ lé conte dé la feméla é di minâ.
To piàn piàn lé-z-ouèi y an quioudu-se
é la téhta y a colâ désù la tabia.
Lo Rivioù y è lagnâ.
Itèn quièi... lo Rivioù dor.



lo gnalèi



Région Autonome
Valle d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

Orfeo Cout, *Ensembio - Cahier de musique*, Imprimerie Le château, Aoste 2013

Collaborateur de Montjovet : **Orfeo Cout**

La transcription a été soignée par le Guichet Linguistique

Mise à jour de la graphie : octobre 2013